



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԵՐԵՎԱՆԻ ՔԱՂԱՔԻ ԿԵՆՏՐՈՆ ԵՎ ՆՈՐԲ-ՄԱՐԱՀ ՎԱՐՉԱԿԱՆ ՇՐՋԱՆՆԵՐԻ
ԱՌԱՋԻՆ ԱՏՅԱՆԻ ԸՆԴՀԱՆՈՒՐ ԻՐԱՎԱՍՈՒԹՅԱՆ ԴԱՏԱՐԱՆԻ
Ո Ր Ո Շ ՈՒ Մ Ը

Քաղաքացիական գործերը մեկ վարույթում միացնելու մասին

19.05.2014թ.

ք. Երևան

Երևան քաղաքի Կենտրոն և Նորք-Մարաշ վարչական շրջանների առաջին ատյանի ընդհանուր իրավասության դատարանի /դատավոր՝ Դատարան/ դատավոր Ռ.Վարդազարյան, ուսումնասիրելով թիվ ԵԿԴ/1950/02/13 և թիվ ԵԿԴ/1862/02/13 քաղաքացիական գործերը,

Պ Ա Ր Զ Ե Ց Ի

Երևան քաղաքի Կենտրոն և Նորք-Մարաշ վարչական շրջանների առաջին ատյանի ընդհանուր իրավասության դատարանի /դատավոր Ռ. Վարդազարյան/ 12.03.2014թ. որոշմամբ վարույթ են ընդունվել թիվ ԵԿԴ/1862/02/13 քաղաքացիական գործն ըստ հայցի «Մալաթիա ՈՒՎԿ» ՍՊԸ-ի ընդդեմ Գևորգ Ղևոնդյանի, Սարգիս Բժիկյանի՝ գումարի բռնագանձման, բռնագանձումը գրավադրված գույքի վրա տարածելու պահանջների մասին և թիվ ԵԿԴ/1950/02/13 քաղաքացիական գործն ըստ հայցի «Մալաթիա ՈՒՎԿ» ՍՊԸ-ի ընդդեմ Գևորգ Ղևոնդյանի, Սարգիս Բժիկյանի, Էրնա Օսիպովայի իրավահաջորդներ Անահիտ և Դավիթ Բժիկյանների, Արևիկ Խաչատրյանի՝ գումարի բռնագանձման, բռնագանձումը գրավադրված գույքի վրա տարածելու պահանջների մասին:

ՀՀ քաղաքացիական դատավարության օրենսգրքի 89-րդ հոդվածի 2-րդ մասի համաձայն՝ դատարանն իրավունք ունի մեկ վարույթում միացնել մի քանի միատեսակ գործեր, որոնց մասնակցում են միևնույն անձինք:

Ուսումնասիրելով վերոնշյալ քաղաքացիական գործերը՝ Դատարանը գտնում է, որ թիվ ԵԿԴ/1862/02/13 և թիվ ԵԿԴ/1950/02/13 քաղաքացիական գործերով պատասխանողները հանդիսանում են միևնույն անձինք, այն է՝ Գևորգ Ղևոնդյանը, Սարգիս Բժիկյանը: Ավելին, համընկնում են նաև սույն քաղաքացիական գործերով ներկայացված հայցապահանջները: Ակնհայտ է, որ մի գործով վեճի լուծումից բխում է մյուս գործի լուծումը և հակասական վճիռներ կայացնելուց զերծ մնալու, ինչպես նաև գործերի բազմակողմանի, արդյունավետ քննությունն ապահովելու համար, Դատարանն իր նախաձեռնությամբ անհրաժեշտ է համարում ՀՀ քաղաքացիական դատավարության օրենսգրքի 89-րդ հոդվածի 2-րդ մասի տրամաբանությամբ սույն քաղաքացիական գործերը միացնել մեկ վարույթ:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 89-րդ հոդվածի 2-րդ և 4-րդ մասերով, 144-րդ, 144¹-րդ հոդվածներով՝

Ո Ր Ո Շ Ե Ց Ի

Երևան քաղաքի Կենտրոն և Նորք-Մարաշ վարչական շրջանների առաջին ատյանի ընդհանուր իրավասության դատարանի վարույթում գտնվող թիվ ԵԿԴ/1862/02/13 և թիվ ԵԿԴ/1950/02/13 քաղաքացիական գործերը միացնել մեկ վարույթ՝ թիվ ԵԿԴ/1862/02/13 համարի տակ:

Դատավոր՝



Ռ.Վարդազարյան